

جنگ

عرفای امتك مقالات متصوفانه لرینه جریده
صوفیه تك صحیفه لری آچققدیر .

اعلانات و سائرہ ایچون مدیر مسئولہ مراجعت
ایدیلیدر .

آبونه سی بر سنه لك اعتباریلہ ممالك عثمانیه ایچون
۱۰ و ممالك اجنبیه ایچون ۱۵ غروشدر .

محل اداره باب عالی جوارنده ابوالسعود جاده سنده
نجم استقبال مطبعه سی

شیمدیلک اون بش کونده بر نشر اولنور تصوفدن باحث دینی ترک جریده اسلامیه سیدر .

عالم اسلامیتده

نسترسوان وتعدد زوجات

مسلمانلر شرق مدنیتله مدنیت حاضرہ یی
شویله مقایسه ایدیورلر : اخلاق شرقیه ده
غرابت ارامق غریب دیکیدر ؟ حقیقتك اك
زیاده جلوہ کاهی اولق لازم کلان بیوک شهرلر ده
بیله اوروپالیلرک قزلیری وزوجہ لر یی وجود .
لرینک قسم اعظمی عریان اولدینی حالده بالورلر ،
ضیافتلرہ ، قونسرلرہ ، تیاترولرہ کوندرمکدن
چکناملری کی غرابت اخلاق تصور ایدیلہ
بیایرمی ؟

نسترسوان مسئله سی قانون اساسیمزک
اعلانندبری بعض یرلر ده بومسئلہ مهمہ رعایت
ایدلماکہ باشلانیدینی مع التأسف کورلمکده در .
بعض قادینلرک بویله بر حال ناروایہ جرأت
ایتملری هر درلو سعادت دنیویہ مزہ حجت
بیلدیکمز ومحافظه سنہ یمن ایتدیکمز قانون اساسی
احکامنه ده منافی اولدیندن حکومتیمزک بوبایدہ
تدابیر مؤثرہ یه توسل ایتسی برامر ضروریدر .
زیرا قانون اساسینک دردنجی واون برنجی
ماده لر ی حکمنجه دولت معظمه عثمانیه نك دینی ،
دین اسلامدر ، وذات حضرت خلافتیناهی
حسبالخلاقه حامی دین اسلامدر بودولت
معظمه نك دینی دین اسلام اولوب ذات حضرت
پادشاهیده حامیسی اولنجه تبعه دولت علیہ دن
بولنان هر مسلمان بودین عالینک بتون احکامہ
رعایتہ مجبور اولدینی کی عکسی تقدیرده حکومتیمز
دخی اومثلوکسہلر حقندہ تدابیر زجریه احکامہ
مأموردر .

دولت علیہ نك تابعیتی حار اولان برمسلمانک
احکام دیندن برحکمہ رعایت ایتما سی و او حکمی
تحقیقہ یلتمه سی قانون اساسیمزک بوبایدہ کی مواد
مهمه سی احکامیلہ قابل تألیف دکدر .

شریعت غرای محمدیہ ده امر اولنان شیلرک
کافه سی نافع اولدینی کی ، نہی اولنان شیلرک
جمله سی دخی مضردر بوکون بو حقیقت ارباب

عقول عندندہ نجلی نمادر . ایشسته شریعتیمزده
امر اولنان شیلردن بریدہ مخدرات اسلامیه نك
کندیلرینه محرم اولیان کسہلردن تستر ایتلریدرکہ
اوده صاحبی داخل اولدینی حالده وجودلری
جالب شهوت اولیمه جق براباس ایله اورتمکدن
عبارتدر . شمدی بو حکم جلیل شرعینک موافق
حکمت ومصلحت اولوب اولدینی محاکمہ ایدلم
شریعتیمزک احکام سائرہ سی کی تستر مسئله
مهمه سیدہ موافق حکمت ومصلحتدر . لوازم
انسانیه و ضرورات مدنیہ جمله سندندر . قادینلر
طبعاً نازک وتعرض کاه رجال اولدقلرندن انلر
حقندہ اغیاردن تستر کندیلری ایچون بیوک
برنعت بیوک بر اثر شفقندر .

عالم اسلامیتده برعائله نك تأمین سعادت ایکی
نوع وظائف مهمه یه مربوطدر بونلردن بری
وظائف یتیمه دیکری ایسه امور خارجیه در .
بوایکی نوع وظائف بالکیز زوجہ ایفا ایدمه یه جکی
کی بالکیز زوج دخی ایفا ایدمه مز شو حالده
بووظیفه لر ی تقسیم ایتک اقتضا ایدر .

وظائف یتیمه یی زوجیه ، وظائف
خارجیه یی ده زوجہ تحمیل لازمکلور . زیرا
قادینلرک خلقت اصلیلرندہ کی زاکت وظرافت
انلری خدمات شاقده قوللانقدن بری قیلار
برده قادینلرک غایه خلقتلری دنیایه چوجق
کتریمک و اوچوجقلری برمدت تربیه ایتکدن
عبارتدر . اگر قادینلر امور خارجیه ایله حصر
وجود ایدہ جک اولورلر ایسه خلقت نسوانه
ترتب ایدہ جک شو حکمت مهمه و مصلحت
عظیمه نك فوت اوله جنی و بو حال بالاخره نسل
بشرک دنیادن انقطاعه سببیت ویرہ جکی بدیهیدر .

شو حالده قادینلرک بتون زینتلری طاقینه رق
آچیق صاحبی اولدقلری حالده وظائف خارجیه یی
ایفا ایتلری هیچ شہسز قیمت نسوانیلری
خللدار ایدر . ایشسته انلرک ییجا حرکاتندن
تلافیسی غیر قابل رجوق مضرتلر حصوله کلیر
ونهایت سعادت عائله دنیلان شی بالکلیه محو
اولوب اورنادن قالقار .

عالم اسلامیتده قادینلرک موقی عالم عیسویتده
تعین اولنان موقدن دها اهمیتلرلر و دها
محترمدر . تعدد زوجات دخی حکمت و اخلاق
نقطه لرندن اودرجه شایان تدقیقدرکہ بونی تمامیلہ
تقدیر و تسلیم ایچون تاریخه بوندن حصوله کلان
منافعه مطلع اولق اقتضا ایدر .

عالم اسلامیتده تعدد زوجاتک وجوبی
عنداللزومدرکہ دقیقه شناسان عالم عندندہ بونک
فوائدی معلومدر . و همده برنظر فیلسوفانه ایله
تعمیق محاکمہ ایدیلہ جک اولورایسه تعدد زوجاتک
طبیعتہ نه درجه مقارن اولدینی وهله اکلاشیلیر .
برطاقم خانہ لر ی حتی سواققلری تلویث ایدن
اوغربی (تعدد زوجات) عجباً نه نظرله باقلی ؟
شرق خرملرینه دائر الیوم غریبه دوران ایدن
معلوماتک برطاقم حکایه لردن عبارت اولدینی
کون کی ظاهر اولدیندن بوبایدہ عریض وعمیق
مطالعانه تزل بیلہ اولنماز . عجبا غریبه کی
خدمتجیلار ، کیلارجیلار ، خدمتکارلر ، دایہلرک
هیسی خانہ صاحبه سیی عد اولنورلر .

اسلامیتده تعدد زوجات مجبوری اولماقلہ
برابر کثیرالازواج مسلمانلر برزوجہ سی اولانلرہ
نسبتله پک نادردر . ایکنجی زوجہ یی برنجی
زوجہ نك حسن رضاسیلہ بالذات انتخاب ایتدیکی
چوق دفعه واقعدر . حقیقه اسلام قادینلرینک
موقع حاضر ی غرب نسوانک غبطه ایدہ جکاری
بردرجه در . اسلامیت هرزه کیرمش ایسه
اوراده آثار ترقی ومیلان فضائل رونما اولمشدر .
اسلامیت کی ساده ، مع مافیہ مقارن حقیقت
وطبیعت هیچ بر دین یوقدر . انک ایچون
ناپولیون اسلامیت وعد قوی ، خرستیانلق تهدید
اوزرینه مؤسدر دیمشدر .

شریعت اسلامیه ده درت قادین تزوج اولنه بیلہ جکی
حقندہ اولان جوازک حکمتنه اثر علماء اصولدن عزیز
عبدالسلامک بیانی .

بوجواز صراحت قرآنیه ایله ثابتدر .
شریعت اسلامیه فروع شریعتیه دائر تورات
وانجیلده اولان احکامی تحفیف ایلدیکی و شریعت

1327
585
911

اسلامیه نك هر وجهه امت اوزرندن حرجی یعنی شدتی رفع ایدوب سهولت و ساحتیه مقرون ایدوکی و ذکر اولان تحقیقندن ماعدا امت اسلامیه من قبل الله بر جوق خصایص جلیل ایلہ ممتاز اولدیی معلوم و مباحث مخصوصه لریده مصرح اولوب بوراده یالکیز حسب المناسبه بر فرد مؤمنك درده قدر قادین الیلمسی و در دینك دخی عهده نکاحنده مجتمع اولسی مسئله سنك حکمتی بیان اولنه جق اولوب شویله که حکم توراۃ ایجابجه یعنی یهودیلرک تبدیل و تغییر ایلدکاری توراتدن قطع النظر غیر مبدل اولان توراتك حکمی اقتضاسنجه بر ارکك عدد معینه منحصراً اولمقسنزین استدیکی قدر عهده نکاحنده قادین جمع ایده ییلور. بونده رجالت جهت مصلحتی تغلب اولنمشدر. چونکه فرعون ارکك چو جقلری قتل ایدر و قزلی ترك ایدر ایدی. بوجهته یعنی نسانك کثرتی و رجالت قتی حسبیه شریعت موسویه ده رجالت جهت مصلحتی تغلب اولنقی مناسبتی تحقق ایتشددر. شریعت عیسویه حکمنجه دخی بر ارکك بر قادیندن زیاده تأهل ایلک غیر جائزدر. بونده نسانك جهت مصلحتی تغلب اولنمشدر. چونکه حضرت عیسی علیه السلام بالاب یالکیز والده سندن خلق اولدیفندن شریعت عیسویه ده حضرت عیسانك اصلی اولان والده سنك نوعی جهتنك مصلحتی تغلب اولنقی مناسبتی تحقق ایتشددر. اما شریعت اسلامیه درکار اولان اعتدالی جهتیه هر ایکی نوعك مصلحتی جهتیه رعایت ایتشددر. زوجاتك درده تخصیص اولنمشنك حکمتی دخی انسانك طبایع اربعه سی اولمسیدر. برده نکاحندن مراد الفت و موانست اولدیفندن و درت زوجهن زیاده اولور ایسه مقصد فوت اولوب اما درت اولور ایسه هر برینك زدیینه تقسیم شرعی ایلہ عزیمت ایلدیکی حالدیه هر برنده اوچر کیجه غیوبت ایتسی لازم کلهرك بوده مدت جزئییه ایدو کندن اصل مقصود اولان الفت و موانسته خلل کلامسیدر.

مشو بخوان

علی فواد

تراجم

تا باتو بوم نخسبم از یاربها
تا بی تو بوم نخسبم از زاربها
سبحان الله که هر دو شب بیدارم
تا فرق نکر میان بیدارها

معنی: سنکله برابر اولورسم سرورمدن

سنسز بولنورسم ناله و اضطر امدن اویویم. سبحان الله! بن هر ایکی کیجه ده بیدار اولدیفم حالدیه شو بیدارقلر آره سنده کی فرقه دقت ایت! (بوم) کله سی (بودن) مصدرندن مشتق مضارعك مفرد متکلمی ایسه ده نادر الاستعمالدر هله مفرد غائی اولان (بود) دن ماعداسی هیچ قولانناز.

دردنجی مصراعده کی (تا) — موقعه کوره — (دقت ایت، اکا اول، صاقین، اولیه که) کبی معناری مفید ادات نذیردر. دیگر (تا) لر (ایسه) معنانه ادات شرطدر.

امروز چوهر روز خرایم خراب
مکشا در اندیشه و بر کیر باب
صدکونه نمازست و رکوعست و سجود
ازا که جمال دوست باشد محراب

معنی: بوکونده هر کونکی کبی خراب اندر خرابز. باب اندیشه سی سد ایدوب اسباب عیش و صفادن اولان ریائی اله آل. دیدار دایداری محراب اعتبار ایدنلرک (وجد، استغراق، سماع، حالت، رقص و حرکت کبی) بر جوق نماز و رکوع، سجودی — وسائر اوضاع عبودیتیری — واردر

حقیقت محمدیه

صاحب هر کالت افندیمز اکمل موجودات اولدقلرندن بوسبیدن امر وجود ذات سنیه لرله بدأ وینه ذات پیغمبریه لرله ختام پذیر اولمشدر. زیرا واقف عالم لاهوت افندیمزک حقیقت و تعینی، جامع جمیع حقایق الهیه و کونیه در. و وجود بشر عنصریسی مظهریت کایه ذاتیه ده متعیندر. یعنی حضرت فخر کائنات تعینات الهیه نك تعین اولیدر که ذات احدیه آنکله متعین و بو تعین جمیع تعیناتدن اقدمدر. بوده جمیع تعیناتك مبدأ و منشی و کافه سنه شاملدر. بومرتبه نك فوقنده ذات احدیه مطلقه دن غیری بر مرتبه قدسییه بولندیفندن بدایت تعینده اکا مساوی بر تعینده یوقدر. تعیناتدن هر بر تعینه حقت بر نسبت خاصه سی واردر که اول نسبت ذات ایلہ اسمای الهیه دن بر اسمدر. تعینات غیبیه و شهادیه نك کایسنی انك تعینی جامع اولمله حق. ظهور کلی ایلہ ذات محمدیه ده ظهور ایتشددر. امر وجود و امر نبوت آنکله بدأ اولوندیفندن (فکان نبیاً و آدم بین الماء والطين) قولیه حضرت آدم علیه السلام ماء ایلہ طین بیننده ایکن نبوت محمدیه نك حقیقته و وقوع بولدیفنی ایما بیورمشلردر (لانی بعدی) حدیث شریفی منطوق منیفنجه نشأت عنصریه سیله خاتم النبیین اولدیفنی و بوقول

ایلہ امر نبوت ذات محمدیه لرله ختام پذیر اولدیفنی بیان بیورمشلردر.

جناب فاطر اقدس نور محمدیه جمیع انوار نبویه یی و ارواح اولیائی جمع ایتدی حضرت فخر کائنات اکمل موجود واجمع صور وجود اولدیه حکمت الهیه دخی ذات محمدیه ده اکمل واجمع وجه اوزره ظهور ایتشددر. (الیوم اکملت لکم دینکم) امر نبوت و امر دین و امر کمال ظهور آنکله اختتام پذیر اولدی.

توحید حقیقی

توحید ایمانی، علمی، حالی، الهی کبی بر طاقم توحیدات واردر که بونلرک جمله سی راه وحدتی کوستر. توحید ایمانی بنده، جناب فاطر اقدسك معبودیتیه استحقاقك توحیدینه آیات و اخبار اشاره تیلہ لسانیه تصدیق زبانیله اقرار ایلدکر که اشبو توحید مخبر صادق تصدیق نتیجه سیدر. علمای صوفیه ضرورت ایمان حکمیه کافه مؤمنینك بو توحیده اشتراکنه ذاهب و سائر مراتب توحیدده منفرد بولندقلرینه قائل اولمشلردر.

توحید علمی توحید رسمیدر که: درجه اعتباردن سافطدر صاحب ذکا ودها اولان برکیمسه کتب فلسفی مطالعه ایتسکله ویا توحیده متعلق بعض سوزلر ایشتمکله معنای توحیددن بر صورت قبلنده ارتسام پذیر اولور. بوسبیدن بعض مناظره و مناقشه لرده بی معنا سوزلر سویلر که بویله اولان کیمسه ده ذوق توحیددن اثر یوقدر توحید علمی توحید حالی ایلہ امتزاجدن خالی دکدر.

« و مزاجه من تسنیم عیناً یسرب به المقربون » بو توحید شرابنك و صفیدر. اهل توحید اکثریا ذوق و سرورده اولور. بتون حرکات و سکنا تنده اوهم مفروضه ذاتیه و اوصاف موهومه بشریه دن برپاچه قالور که شرک حنفی بو توحید صاحبندن بالکلیه رفع اولماز توحید حالی ده حال توحید موحرك ذاتیه وصف لارم اولور. و جمله ظلمات رسوم، وجود نور توحیدك اشراقنده تلاشی واضمحلال پذیر اولور.

نور آفتابده کواکب انواری مندرج اولدیفنی کبی « فلما استبان الصبح ادرج ضوءه بانسقاره اضواء انوار الکواکب » بوبابده موحرك وجودی جمال وجود واحدك مشاهده سنه کال مستغرق ایلہ عین جمع اولمش اولور واحدك ذات حقتندن غیری انك نظر شهود نده هیچ برشی کورونمز بر درجه ده که بو توحیدی دخی واحدك صفتی کورور فقط کندی نك صفتی کورمز